

Disediakan untuk: _____

Tarikh Cetakan: _____

LEMBARAN PENDEDAHAN PRODUK

(Sila baca Lembaran Pendedahan Produk ini sebelum anda membuat keputusan untuk mendapatkan Insurans Ralat & Ketinggalan. Pastikan anda juga membaca terma-terma dan syarat-syarat am)

Penyedia Khidmat Kewangan : Allianz General Insurance Company (Malaysia) Berhad ("Kami")
Nama Produk : Ralat dan Ketinggalan untuk Syarikat Pengurusan

1. Apakah yang ditawarkan oleh produk ini?

Polisi ini akan membayar bagi pihak Pihak Diinsuranskan, Kerugian (amaun yang mana pihak diinsuranskan berkewajipan sah untuk membayar berhubung dengan penyelesaian, pemberian untuk ganti rugi atau kos-kos, dan kos dan perbelanjaan perundangan) yang timbul daripada mana-mana Tuntutan yang pertama kali dibuat semasa Tempoh Insurans untuk sebarang Salah Laku di dalam Daerah Dilindungi selepas Tarikh Retroaktif yang dinyatakan di dalam Jadual.

2. Apakah perlindungan/manfaat yang disediakan?

Polisi ini meliputi:

- Salah Laku (perwakilan, salahnyataan, pernyataan mengelirukan, ralat, ketinggalan, libel, fitnah, tuduhan, kecuaiian, kemungkirian tugas-tugas fidusiari atau sebarang tindakan lain sebenar atau dikatakan dibuat oleh Pihak Diinsuranskan di dalam keupayaan mereka bertindak sedemikian)
- Dilanjutkan untuk merangkumi Ahli-ahli Jawatankuasa, Pemegang Polisi (entiti), Pasangan Sah serta Harta Tanah Pihak Diinsuranskan, Waris-waris atau Wakil-wakil Sahnya;
- Indemniti untuk Kos-kos Pembelaan;
- Indemniti untuk Ganti Rugi/Penyelesaian;

Tempoh perlindungan ialah untuk satu tahun. Anda perlu memperbaharui polisi insurans anda setiap tahun.

3. Berapakah premium yang perlu saya bayar?

Premium mendatar yang anda perlu bayar bergantung kepada pendedahan risiko. Had-had pra-pengunderaitan opsyenal adalah seperti berikut:

- RM 250,000
- RM 500,000
- RM 1,000,000
- RM 1,500,000
- RM 2,500,000

4. Apakah yuran dan caj yang perlu saya bayar?

Jenis	%/Amaun
• Komisen dibayar kepada pengantara insurans (jika ada)	• 15% daripada premium/RM XX
• Cukai Perkhidmatan	• 8% daripada premium
• Duti Setem	• RM10.00

Amaun Cukai Perkhidmatan ("CP") di sini mungkin tertakluk kepada perubahan kerana kadar CP yang digunakan hendaklah berdasarkan kadar semasa mengikut undang-undang Malaysia.

5. Apakah terma dan syarat utama yang saya harus ketahui?

- Kepentingan pendedahan

Kontrak Insurans Bukan Pengguna

Menurut Perenggan 4(1) Jadual 9 di bawah Akta Perkhidmatan Kewangan 2013, sekiranya anda memohon Insurans bagi tujuan berkaitan dengan perdagangan, perniagaan atau profesion anda, anda mempunyai kewajipan untuk mendedahkan apa-apa perkara yang anda ketahui sebagai berkaitan dengan keputusan kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

Kewajipan pendedahan ini bagi Kontrak Insurans Bukan Pengguna akan berterusan sehingga masa kontrak tersebut dibuat, diubah atau diperbaharui. Anda juga mempunyai kewajipan memaklumkan kepada kami dengan segera sekiranya pada bila-bila masa, selepas kontrak insurans dibuat, diubah atau diperbaharui dengan pihak kami, sebarang maklumat yang diberikan adalah tidak tepat atau telah berubah.

- Setiap permohonan perlu diserahkan dengan Borang Soal Selidik Ralat dan Ketinggalan Allianz yang telah dilengkapkan dan maklumat-maklumat penguderaitan lain yang difikirkan perlu.
- Anda mesti memastikan yang had liabiliti anda adalah memadai untuk melindungi pendedahan risiko anda.
- Anda mesti mengisytiharkan anggaran tepat dana pengurusan kasar yang dikutip dan pengalaman tuntutan anda
- Pernyataan polisi adalah borang 'tuntutan dibuat'.
- Syarat Tarikh Retroaktif – Apabila tarikh retroaktif dinyatakan di dalam Jadual, insurans ini tidak akan diguna pakai ke atas tuntutan-tuntutan yang dibuat terhadap Pihak Diinsuranskan dengan alasan sebarang tindakan, ralat atau ketinggalan yang dilakukan atau dikatakan dibuat sebelum Tarikh Retroaktif itu.

6. Apakah pengecualian penting di bawah polisi ini?

- Liabiliti yang dilindungi di bawah polisi lain;
- Fakta, situasi, keadaan atau kejadian yang diberitahu atau diketahui sebelum tarikh polisi bermula;
- Salah Laku Disengajakan
- Salah laku;
- Tuntutan-tuntutan berasaskan pada atau disebabkan bayaran, komisen, gratuiti atau manfaat kepada kumpulan-kumpulan politik, kerajaan atau Pihak Diinsuranskan
- Tuntutan-tuntutan yang dibuat terhadap Pihak Diinsuranskan yang timbul daripada/berhubung dengan khidmat keselamatan yang disediakan oleh syarikat-syarikat keselamatan
- Kecederaan tubuh badan atau kerosakan harta;
- Perang;
- Asbestos;
- Liabiliti Pencemaran;
- Keganasan;

Nota: Senarai ini tidak menyeluruh. Sila rujuk kepada contoh kontrak polisi untuk senarai lengkap pengecualian di bawah polisi ini.

7. Bolehkah saya membatalkan polisi saya?

Polisi ini tidak boleh dibatalkan.

8. Apakah yang perlu saya lakukan jika terdapat perubahan dalam butiran peribadi saya?

Adalah penting bagi anda memaklumkan kami terhadap sebarang perubahan di dalam perincian maklumat anda bagi memastikan semua urusan surat-menyurat sampai kepada anda tepat pada masanya.

9. Di manakah boleh saya dapatkan maklumat lanjut?

Sekiranya anda memerlukan maklumat lanjut, sila rujuk kepada Pernyataan Polisi Ralat dan Ketinggalan Allianz.

Untuk sebarang pertanyaan, hubungi kami di:

Pusat Khidmat Pelanggan Allianz

Allianz Arena



Ground Floor, Block 2A, Plaza Sentral


Jalan Stesen Sentral 5, Kuala Lumpur Sentral

50470 Kuala Lumpur.

Pusat Hubungan Pelanggan Allianz: 1 300 22 5542

E-mel: customer.service@allianz.com.my

  AllianzMalaysia

 allianz.com.my

10. **Jenis-jenis perlindungan Insurans Ralat & Ketinggalan yang boleh didapati**
- Hartanah Komersil
 - Hartanah Kediaman

NOTA PENTING:

ANDA MESTI PASTIKAN YANG LIABILITI ANDA DIINSURANSKAN PADA AMAUN YANG SEWAJARNYA. ANDA SEHARUSNYA MEMBACA DAN MEMAHAMI POLISI INSURANS INI DAN BERBINCANG DENGAN EJEN INSURANS ATAU MENGHUBUNGI SYARIKAT INSURANS SECARA LANGSUNG UNTUK MAKLUMAT LANJUT.

Maklumat yang disediakan di dalam lembaran pendedahan ini adalah sah seperti pada 01/03/2024.